

БИД БҮГДЭЭРЭЭ ДАХИВАРТ ТУШААВАЛ БИД БҮГДЭЭРЭЭ ХОЖИНО



Та баглаа боодлын материал, сонин зэргийг дахиварт тушаах бүрдээ том **ажлын эхлэлийг тавьдаг.**

Хуучин лонхны тагийг автомашины их биеийн шинэ хуудас металл болгон хувиргах боломжтой. Угаалгын нунтгийн хоосон хайрцаг жишээ нь шинэ гутлын хайрцаг болно. Өчигдрийн сонин маргаашийн мэдээ болно. Байгалийн түүхий эдийг дахин ашиглахад, их эрчим хүч хэмнэгдэнэ. Ингэснээр бид амьдарч буй дэлхий ертөнцөө улам таатай сайхан болгоход хувь нэмрээ оруулна.

ДАХИВАР

Цуглуулсан бүх сав баглаа боодол, сониныг дахин боловсруулж шинэ сав баглаа боодол, шинэ бүтээгдэхүүн гаргадаг. Хуванцар сав баглаа боодол нь жишээлбэл сав суулга угаах сойз, цэцгийн сав, гялгар уутны орц материал болно. Шил, цаасан сав баглаа боодол ихэвчлэн өөр сав баглаа боодлын материал болдог. Металл сав баглаа боодлыг арматурын төмөр, хуучин сониныг гал тогооны цаас, шинэ сонин хэвлэл болгох боломжтой.

ҮЙЛДВЭРЛЭГЧИЙН ХАРИУЦЛАГА

Манай Шведэд үйлдвэрлэгчийн хариуцлага хэмээх дүрэм байдаг. Энэ дүрмийн дагуу сав баглаа боодол болон сонин үйлдвэрлэж, зарж буй компаниуд өөрсдөө тэр бүтээгдэхүүнээ цуглуулж, дахин боловсруулах үүрэг хүлээдэг. Манай “Förpacknings- och Tidningsinsamlingen” (FTI) компани эдгээр компанийг төлөөлж ажилладаг. Бид дахиврын байгаль орчны үр өгөөжийг аль болох дээшлүүлэхийн зэрэгцээ таны дахиварт тушаах ажиллагааг хялбар болгохыг зорьж ажилладаг. Гэхдээ энэ зорилгод хүрэхийн тулд бидэнд таны тусламж хэрэгтэй болно.

НЭМЭЛТ МЭДЭЭЛЭЛ

FTI компани Швед даяар өөртөө үйлчлэх дахиврын станцуудыг хариуцаж ажилладаг. Эдгээр станцад та хуучин сонин, хуванцар, цаас, металл, шилэн сав баглаа боодлын материалаа тушаах ёстой. Хэрэв та нийтийн дахиврын цэгтэй орон сууцанд амьдардаг бол тэнд сав баглаа боодлын материал болон сониноо тушаана.

MORE INFORMATION

Та [www.ftiab.se/find a recycling station](http://www.ftiab.se/find-a-recycling-station) гэсэн хаягаар орж хамгийн ойр байрлах дахиврын станцыг олж, хэзээ түүнийг хоосолж, цэвэрлэдгийг шалгаж болно. Та эндээс мөн ангилах заавар, дахиврын тухай видео бичлэг, зөвлөмж, зөвлөгөө, түүнчлэн манай байгууллагын тухай мэдээллийг олж үзэх боломжтой. Хэрэв танд сонин, сав баглаа боодлын материалыг дахиварт тушаах талаар ямар нэгэн асуух зүйл байвал бидэнтэй kontakt@ftiab.se хаягаар буюу **0200 88 03 11** утсаар холбоо барина уу. Бөөн хог хаягдал, органик хог хаягдал, цахилгааны хог хаягдал болон бусад хог хаягдалтай холбоотой асуулт байвал орон нутгийнхаа эрх бүхий байгууллагатай холбоо барих буюу www.sopor.nu хаягаас илүү дэлгэрэнгүй мэдээлэл олж авна уу.

Нарийн ангилах

Аль болох их хог хаягдлыг дахин боловсруулах боломжийг бүрдүүлэхэд бидэнд таны тусламж шаардлагатай. Сав баглаа боодлыг бүрэн хоосолж, хуурай болгох ёстой. Хэрэв таны сав баглаа боодлыг нэгээс олон төрлийн материалаар хийсэн бол түүнийг хамгийн их жин дарж байгаа гэж бодсон материал руугаа ангилах ёстой. **Баярлалаа.**



ХУВАНЦАР САВ БАГЛАА БООДОЛ

Жишээ нь: Лонх, лааз, сав, гялгар уут, цэнэглэх уутнууд, хуванцар хоолойнууд, шарсан төмсний уутнууд, полистирен.

- ✓ Ямар нэгэн таглаа, бөглөө байвал ав. Өөр өөр төрлийн пластик сав баглаа боодол бүхий уутнуудыг тус тусад нь өөр саванд хийнэ үү. Ингэснээр дахин боловсруулах дараагийн үе шатыг хялбар дөхөм болгоно.
- ✗ Сав баглаа боодлоос өөр пластик бүтээгдэхүүнийг, жишээ нь тавилга, тоглоомыг бөөн эсвэл ахуйн хог хаягдалд ангилж ялгана. Тушаадаг лонх савыг дэлгүүрт тушааж буцаан олголт авах хэрэгтэй.



ЦААСАН САВ БАГЛАА БООДОЛ

Жишээ нь: Гоймонгийн хайрцаг, сүү, шүүсний картон сав, цаасан уут, гуталны хайрцаг, ариун цэврийн цаасны гол, картон хайрцаг.

- ✓ Хавтгайлж, голоор нь нугал. Жижиг сав баглаа боодлыг томд нь хийж, зай хэмнэ.
- ✗ Дугтуйг ахуйн хог хаягдал эсвэл шатаах хог хаягдалд ангилах ёстой. Сонин, сурталчилгааны хуудас болон эдгээртэй төстэй материалыг сонинд зориулсан саванд хийх ёстой.



МЕТАЛЛ САВ БАГЛАА БООДОЛ

Жишээ нь: Цагаан тугалган лааз, хоосон шүрших сав, хоолой, лонхны таг, таглаа, хоосон будгийн лааз.

- ✓ Цагаан тугалган лаазны хурц ирмэгтэй тагийг дотогш нь нугал. Хоолойн таг/бөглөөг хоолойнд нь үлдээ.
- ✗ Будаг, цавууны үлдэгдэл агуулсан лаазыг аюултай хог хаягдалд ангилах ёстой. Сав баглаа боодол биш хаягдал металл, сантехникийн эд анги, хайруулын таваг болон бусад бүтээгдэхүүнийг бөөн буюу ахуйн хог хаягдалд ангилах ёстой. Тушаадаг лаазнуудыг дэлгүүрт тушааж буцаан олголт авах хэрэгтэй.



ШИЛЭН САВ БАГЛАА БООДОЛ

Жишээ нь: Өнгөтэй эсвэл тунгалаг шилэн лонх, сав.

- ✓ Таг, таглаа, үйсэн бөглөөг нь авч, харгалзах материалын төрөлд нь ангил. Өнгөтэй эсвэл тунгалаг шилэн сав баглаа боодлыг зөв саванд ангилж хий.
- ✗ Тушаадаг лонх савыг дэлгүүрт тушааж буцаан олголт авах хэрэгтэй. Сав баглаа боодол биш шаазан, керамик болон бусад бүтээгдэхүүнийг бөөн буюу ахуйн хог хаягдалд ангилах ёстой. Гэрлийн чийдэн, урт гэрлийг ер нь орон нутгийн эрх бүхий байгууллагын ажилтантай дахиврын төв рүү аваачих ёстой.



СОНИН

Жишээ нь: Өдөр тутмын болон долоо хоног тутмын сонин, сэтгүүл, каталог, сурталчилгааны хуудас, өдрийн тэмдэглэл, бичих/зурах цаас.

- ✓ Пластик боодол болон сурталчилгааны наалтыг ав.
- ✗ Дугтуй болон нуруутай номыг ахуйн хог хаягдал эсвэл шатаах хог хаягдалд ангилах ёстой. Цаасан уут, картон сав болон эдгээртэй төстэй материалыг цаасан сав баглаа боодлын материалд зориулсан саванд хийх ёстой.